

EQVITIS POL



7 E 30

Prophetia S. Hildegardis Brocui J. xv.
Fol. 465.

Salvatores nominantur. ab Equite. fol. 4.

1626

Ioannis Broscii Curzelomensis
Medicini Doctoris ordinarii
Astronomi. post mortem ipsius
Bibliotheca maioris Collegii in
Academia Cracoviensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus calcigabit diffidens plurimum.
Procul este prophanus.

inter 9 et 10 respondetur Proca Dawidowa Zahorski Calisii impo-
sa ubi locus non exprimitur, scriptum malitiam ab ipso legibus consensum
sub nomine Zahorski 150 conferente evangelizans. omni animi quod in 150

- continetur egr auduit ex ore Frederici sedentis
legibus. gaudium et alii. Zahorski vero pungen-
dumque Thuduit wacy Baranum consuevit, nulli modo
Contenta in hoc volumine fore potest alio, quam
ex relatione sapientium
hag. diam
offam ad or-
namentum.
- 1 Equitibus Poloni actio in lasintay parma
 - 2 Spongia contra Equitum Rasu
 - 3 Actio Arnaldi in Parlamento Parisi
 - 4 Papparatii de rudiculis
 - 5 Actio Pauli quanta per Republica Veneta Oratio
 - 6 Gracy deliberatio de compescendo omni coram legum
 - 7 Odporczy na budynt pycantio legum Hung
 - 8 Responsio ad representationem legum
 - 9 De Ignatio Corio Zahorski Calisprangy
 - 10 Obstatum pycantio legum Masaca passus
 - 11 Tarcza obrony pycantio procy
 - 12 Vindicta adversus Zahorski
 - 13 Computatio comitum Zahorski
 - 14 Enimelatio Borasli stylo durissimo
 - 15 Gracy pycantio, Consens.
 - 16 Epistola curandam ad quendam
 - 17 Ad funationem Regni Polonici scripta Lepian
 - 18 Widoz statutorum legum. Examen obray.
Destinatio amaldama
Consensum benedictio.

Item. Manana Hispania sepulta fuit in
Antiquis temporibus qui ex Monachis Episcopis ac summi
episcopis exhibent numerum vix fuit, restat etiam
vix aut altissimi eorum non tam integre
quam multis antebus ambrosius ecclesias esse perfectas
consideramus. Vnde hinc illud caput.

pedagog

18-19

vario

Cism. 5122-5120




Pedag. pol. 202-220.

XIX. d. 24.

AD SEN-
 .TORES
 REGNI PO-
 LONIAE.

Scriptum Sile-
 siacum.



1620.

De perden latest.
originaut popius mor. iagrom. marst.

AD 211A

TORRES

RÉGNI P

LOI AL

563.9
P. 3. 6. 9
Scribent 211A

111111





FAcit horum temporum sive infelicitas, sive etiam iniquitas, ut earum causa injuriarum, à quibus Nostrates, quæ inter utriusq; nostrum Majores, felicioris ideò recordationis, icta sunt publicæ tranquillitatis fædera, plurimis retrò annis, tanquam cautissimum ex omni Cautione vadimonium securos omninò tutosq; præstiterunt; que-
relas apud Reverendissimas, Illustrissimas & Magnificentissimas D D. vestras, tanquam in sinum earum deponere, gravissimas, extrema nobis necessitas imponatur. Quanquam utrum temporum injuria nos premat, numverò pactorum & tam sanctæ obligationis fides vadimonium potius deseruisse videatur, ferè ambigendum venit. Etenim anile admodum est, & frivolum, in seculum conjicere omnia, & in tempus. Neque temporis solâ providentiâ regitur hic mundus, & firmatur hominum, quæ est, Societas, sed dictorum potius, quæ illos intercedit, factorumq; constantiâ & veritate. Reliquum igitur est, ut in omni, quod ad

injuriā quoquo modo pertineat, negotio sanctissimæ fidei officium, ubiq; nec minus perpetuò, requiramus. Extant inter inclyta Poloniæ, juxta ac Bohemiæ Regna Vetustissimæ Conventiones, eaq; mutux & reciproca, quæ vulgus Compactatorum nomine indigitat, quæ non cæcus quidam affectus & præceps, etsi inter gentes origine, lingvâ, institutisq; arctissimâ cognatas, expressit, sed usus utriusq; gentis ipsaq; necessitas, ut cætera omnium gentium jura constituit, & stabilivit. Hæc, si non violata, si non rupta, at certè plurimum labefactata conquerimur, non quidem privatis illis inter confines injuriis, quæ uti hinc inde ex utraq; parte facile enasci, ita haud majore difficultate ex præscripto compactatorum consopiri & possunt & debent, sed publicis, & quæ statum totius Regni Bohemiæ nostrumq; & reliquarum nobis confœderatarum regionum, non minus hactenus affecerunt, quàm publicè omnibus constat, quam virulentis & ad omnes bonos odiosis publicarum Invektivarum criminationibus, amplissimi earum Ordines in Regno Poloniæ proscindantur, quantis præjudiciis causâ eorum, super ea, quæ in Regno accidit mutatione, & si à non judice, obruatur, quibus subsidiis pars adversa fulciatur, quibus

non

non dicemus minis subinde petamur, sed hostilibus
atrocissimorum latronum irruptionibus, sed ra-
pinis, sed cædibus, ferro deniq; flammâq; iterata
jam vice è Polonia infestemur. Quæ omnia tantò
acerbius nobis acciderunt, quò magis ex Juris atq;
justitiæ prætextu & colore ex ipsa compactato-
rum formula quæsito vulgò obteguntur & nobis
tanquam bardis & brutis hoc persuasionis ma-
gno conatu ingeritur, licere ista salvis pactis face-
re, respicere illa pacta non tantum Regni Bohe-
miæ Provincias, sed potissimum & Regem: Ei,
utpote legitimo Magistratui eas rebellare, Catho-
licam Religionem impugnare; quos pro sui status
ratione condiderunt & juris jurandi religione san-
xerunt confederationis Articulos, impios esse, ini-
quos, Sacrilegos, vim iis inferri Ecclesiis, & in his
Wratislaviensi; Regem Cæsarianis militem in Po-
lonia conscribendi copiam facere ex pactis teneri
indeq; de factis in Silesiam Moraviamq; impressio-
nibus, patratæ cædibus, stupris, rapinis neminem
conveniri, nisi cæsarem, ejusve Militum Duces
posse; minusq; conquerendi causæ superesse, quò
magis ex adverso se defendendi irrumpentem mi-
litem pro merito excipiendi, & mala morte mul-
tandi, licentia nusquam sit prærepta. Non ad-

mittit (fat scimus) Reverendissimarum ac Illu-
strissimarum ac Magnifarum D D. vestrarum ur-
gens pro Rep. vestra occupatio : ut causam no-
stram apud D D. vestras pluribus agamus, nec sibi
cognitoris partes adsciscit, earundem, in re aliis
fori, quæ est Modestia. Novit autem prudentia ve-
stra vetus illud Martii Antonii verbum, nec minus
scitum: Etsi omnes molestæ semper seditiones sint,
justas tamen esse in Repub. non nullas ac propè ne-
cessarias : Et Principum iniquitatem sæpè viros
fideles alioqui & probos ad rebellionem salutis cau-
sa compellere, neq; ullum videri bellum justius,
quàm quod sit necessarium: Neq; necessarium,
nisi quod pro bono publ. susceptum. Constat ex
veterum monumentis Tarquinius Priscum apud
Rom. quod pacta conventa, quibus ad imperium
receptus, violaret, & senatum contemneret, Re-
gno exutum; contra Ludovicum XI. Francorum
Regem Regni Proceres plebis querimoniis & ex-
postulationibus incitatos memorabile bellum pro-
pter bonum Publ. decrevisse: Helvetios, Belgas
intolerabile servitutis jugum boni Publici & salutis
suæ causâ magno conatu, pari fortuna excussisse;
Svecos Christiernum primum Daniæ, Sueciæ Nor-
wegiæq; Regem, ob non servatum, quod in pactis
susceptionis

fufceptionis ejus cautum eſſet, Regno, Annos ante Centum quinquaginta plus minus, abdicaffe: idemq; fatum Avorum memoriâ Chriſtiernum Daniæ Regem II. ob id inter cætera manſiſſe, quod juſ electionis, quod antea Senatus Regni proprium erat, poſt mortem ad ſuos hæredes tranſtulerit & eo ipſo antiquum & liberum Regnum hæreditariæ oppreſſioni ſubjecerit, neque ex Regibus Angliæ, Scotiæ, Hungariæ, atq; adeò etiam Bohemiæ talia Exempla deeſſe: quin & majores veſtros haud ſegnioreſ libertatis aviæ Aſſertoreſ, non uni Regum veſtratum renunciāſſe. Eadem alea, Deo ita diſponente & urgente boni publ. neceſſitate, etiam harum regionum ordinibus pro tempore ſubeunda, atq; uti fortes ac bonos Cives decet, pro patria mortem oppetendi arripienda potius occaſio fuit, quam ut pro ſe patriam perire, cum ſempiternâ nominis infamiâ admitterēt. Neſas enim in eo eſt delinquere, quod facilius eſt reprehendere, quam aliquando emendare. Ita q; renunciandum fuit Regi, qui Legibus, Privilegiis ac libertatibus Regni, quæ ex pacto ſanctè obſervaturum promiſit, prius renunciaverat; qui ſuper capite, fortunis, libertate Regnicolarum ſervituti Hiſpanorum devovendis jam pepigerat; qui
nullâ

nullâ re â quoquam læsus non nisi ferro flammaq;
regnum ingressurus, & fundamenta futuri absolu-
ti dominatus cruentis omnino auspiciis sanguine
Civium jacturus erat; qui non purè & absolutè sed
sub certo conditionis eventu receptus obligatio-
nem prior solverat. Et renunciatum fuit eo tem-
pore, quo jam eò res deducta erat, ut prius jurium
ac libertatum reali commonstratione redintegran-
darum, quam regni ineundi cura atq; necessitas ei
adferretur; Quæ ab ipso usq; adeo neglecta, ut
pro re verba daturus videretur, perinde atq; inanis
verborum sonus & Privilegiorum chartis illito-
rum color, non verò rerum pondera atq; momen-
ta in stipulationem essent deducta. Renunciatum
deniq; quod ob defectum voluntatis, & intentio-
nis contrahentium, atq; invicem juramentis se ob-
stringentium diversitatem nulla mutuï consensus
species, nullus obligationis nexus, nullius deniq;
perfecti atq; absoluti actus vestigia amplius appa-
rerent, idq; ideo, quod & suffragia prece, precio &
minis expressa, nusquam vero, ut oportuit, liberâ
animi destinatione comparata essent, & ipse con-
ditionem ex sua parte non nisi quatenus in absolu-
to dominatu & regno hæreditario locum invenire
posset, acciperet: Subditi verò non alii, quàm li-
berè

berê electo, & ad leges regni fundamentales restricto Regi fidem, non diutius, quam ipse leges illas & regni immunitates sanctè custodiret, duraturam, darent. Regnum autem Bohemiæ nullo unquam jure Austriacæ successionis hæreditariæ cessisse, neque antiquâ eligendorum principum facultate ullo pacto se abdicasse ordines regni toti jam Orbi Christiano publicis scriptis planum indubiumq; reddiderunt. Unde manifestum evadit, nihil hîc à nobis admissum, quod non ab aliis Orbis Christiani populis pro bono publico jam dudum receptum, consensu omnium Politicorum approbatum, ipsis Austriacorum adeoq; & moderni Cæsaris auspiciis contra Rudolphum II. eundemq; non eventualem Regem & sub conditione amplius existentem, sed qui jam per septem lustra ad gubernacula fœliciter federat, attentatum, quod deniq; à vestra quoq; gente juranti Regi, extremæ quasi cautionis vice, ingeri & liberè denunciari solet, & fortè in pari causa haud quaquam prætermissum fuisset; ut non sit cur ullo nostro merito rebellionis crimine insimulemur, quin potius in atrocem isthæc insimulatio injuriam evadat. Catholica porrò religio nunquam nobis impugnata neq; confœderationis nostræ articuli, ulli qui

B

nos,

nos, nostramq; religionem Evangelicam non radicatus everfam cupiat, impii esse & iniqui possunt, neq; quicquam statuunt, quod non Evangelicis sub Catholico Rege durius multo atq; gravius subeundum fuit. Si quid admissum est, quod nimium videatur, id exordio turbarum, respectu ad Personas habito, qui patriam, & quâ hætenus innixa est, religionis libertatem perditum iverant, tumultuariè factum, Exemplo, postquam res turbulenta ad statum revocata, non amplius metuendo. Ecclesiæ Vratislaviensi, quæ ab aliquot retro seculis, non nisi Regem Bohemiæ Patronum habet nulla vis illata, fundatione etiamnum, ac deinceps inconcussa manente: Si quid intercedit cum Episcopo, per rationem status negotii, id ad Ecclesiam ejusq; fundationem minimè spectat. Neq; ad religionis Catholicæ injuriam pertinere potest, quod salvâ eâ ad alteram ab ultima oppressione vindicandam pro eorum qui majorem potioremq; Reipub. partem constituunt salute, & publ. tranquillitatis causa ex necessitate statuendum venit. Neq; enim ea gubernandi ratio laudari, neq; diu firma esse potest, quæ unam saltem Reip. partem curat, reliquam negligit. In quo quæ nobis ipsimet Majores vestri vestigia presserint Reverendissimæ Illustrissimæ

Iustissimæ ac Magnificæ DD. vestræ quæsumus
haud gravatim respiciant. Quot enim extant de
libertate religionis vestrorum Comitiorum decre-
ta? Quot pacta conventa? Nonne ab Henrico Re-
ge cæteri, qui secuti sunt, solemnî juramento ad
pacem & tranquillitatem inter dissidentes de reli-
gione tuendum, necullo modo vel jurisdictione
regiâ, vel officiorum Regiorum aut Statuum au-
toritate causa Religionis quenquam opprimen-
dum obstricti sunt? Unde nunquam satis ad omnes
Reges prædicando Exemplo, Regum Sapientissi-
mus idemq; fortissimus Stephanus Regem se homi-
num, non animarum professus est. Revocetur in
memoriam Oratoris Vladislai, à Georgii Podie-
bracii morte Bohemiæ regnū ambientis super re-
ligione Hussitarum in Bohemia vigente, proce-
rum compellatio. Ac præ cæteris memorabile est,
quòd, cum omnes ferè orbis Christiani Principes
ex Concilii Basiliensis decreto, urgente Pontifice,
in Bohæmos Hussitas arma copiasq; suas expedi-
rent, Vladislaus Jagello satis habuit in hæreses (sic
statuta vestra loquuntur) in Regno Poloniæ ani-
madvertere, & incolas regni in Bohemia agentes
intra certum temp^s in Poloniam revocare; quodq;
successor Casimirus, cum diu se bello Hussitico

implicare neglexisset, tandem verò instinctu Pontificis arma sumpisset, protinus, ex quo aliquam saltem Regni Bohæmiæ pro Vladislao filio obtinendi spem concepisset, ejus facti non tantum pœnitundine ductus est singulari, sed etiam exquisita apud Bohæmos purgatione sibi utendum, quin & de cætero, insuper planè habitâ Pontificis auctoritate, & qui tum multos invaserat religionis Zelo penitus neglecto ex corde suscipiendam putavit. Neq; prætereundum quòd ante alios Æneas Sylvius prodidit; Polonos ipsorum Faboritarum patrocinium contra Sigismundum & Albertum Austriacum suscepisse, inq; causa fuisse cur Albertus Regno diu potiri nequiverit. Quod autem salvis pactis, Cæsareanis militem in Poloniâ ad harum Regionum perniciem legendi facultatem concedere liceat, & quæ ab illis per rapinas, cædes, stupra, vastationes, inferuntur damna, & injuriæ, nequidquam pactorum violationi imputanda sint: Id ejusmodi certè est, ut neq; rectæ rationi, ne dum pactis conventis possit esse consentaneum. Quis enim à rectâ ratione tam alienus, qui non videat ex duobus pacto comprehensis, alteri officium, quod sit cum alterius injuria conjunctum salvis pactis præstari nec posse nec debere? Quis non

non animadvertit fidem conventionē utriq; datam
hac ratione ex una parte consistere, ex altera clau-
dicare, imò penitus violari? aut quis sibi patienti
animo persuaderi patiatur, cum pactorum con-
ventio pro utriusq; bono intercesserit, fieri posse,
ut eadem intemerata maneat, si in unius salutem,
alterius verò noxam præsentissimam convertatur.
Aut potestnè debitor qui tantundem duobus pro-
mittit, præstando uni quod debet, nexu apud al-
terum liberari? Quanto vero rectius æquiusq; pa-
ri consensu Politici requirunt, ut qui socius amba-
rum partium communis est nisi utramq; conciliare
possit, à suppetiis abstinere debeat; ne dum uni fi-
dem præstet, alteram læsisse videatur. In quo non
leve prudentiæ ad omnes documentum in Gallia
datum est; quando cum Eduardus II. Angliæ Rex
regno exutuseffet & Francorum opes fædere pa-
ctas, per Legatos imploraret, responsum Legatis
est: & cum Anglorum Rege, & cum regno contra-
ctum fœdus esse, ideoq; nec adversus novum An-
gliæ Regem Regnumvé salvis fœderibus bellum
geri posse. Nec minuseandem & vestro Regi &
vobis superioribus annis, nobilitate adversus Re-
gem insurgente, fidem præstitimus, neutri nimi-
rum contra alteram parti addicti, neq; in aliena

Rep. quidquam curiosi. Quòd si etiam Cæsaria-
nis tantum ex pacto concedendum fuit; eccur
nobis, qui iisdem pactis continemur eadem copia
denegata? Cur milites nostri in Prussia lecti, dissi-
pati? cur eorum Capitaneus Gedanensium arresto
adhuc detinetur? Cur pulvis tormentarius ex con-
cessa pactis commerciorum libertate, nostro ære
coemptus fisco Regio adjudicatus? Quod-
nam vero illud est inclinatæ fidei diverticulum;
homines sanos & ratione præditos eò absurditatis
perducere velle, ut credant eum saltim damni in-
juriamvé Autorem esse, qui intulit; qui verò occa-
sionem dedit, id est, cùm prohibere & potuerit &
debuerit, permisit, eundem culpâ vacare? Certè
si Compactatorum tenorem accuratiùs dispicere
& causas investigare non molestum fuerit, non
obscurò se prodet indicio, non in hoc saltem fi-
dem datam, ut Reges ab omni hostilitate & da-
mnis ipsi abstineant; sed ut suos quoq; quicunq;
in eorum potestate fuerint, ne quid tale, quovis
etiam quæsito colore, committant, prohibeant,
& ad damnorum integram refusionem compel-
lant: Quin etiam hoc; non tam Regum quam
regnorum causâ inita esse, prout propter regna
ipso etiam Reges esse, non contra; aliàs tralaticiū
est;

est; neq; satis habuisse majores nostros: Reges reciproca Jurisjurandi fide ad compactatorum observantiam astringere, nisi & ipsorum utriusq; regni Ordinum pro firmiore stabilimento jurata accederet obligatio. Neq; dubium est, si personalia essent duntaxat pacta, & non potius realia, quin ea finem suum nullo modo sint assecutura. Unde quid Personæ Regis debeat nisi idem & regno fiat, & in ejus commodum cedat, aut quid etiam per rerum naturam Regi deberi possit, si ab eo regnum sit alienatum, proclive est æstimare: & de Cæsare quidem tanto major causa dubitandi subest, quanto minus nomen ipsius pactis expressum reperitur; & quo certius est, aliter eum illa attinere non posse, nisi regni causâ & nisi certus sit in Regno successor; quemadmodum & aliâs quæ in Compactatis mentio sit successorum ad certos successores referatur necessum est; nec ad eos pertinere potest, qui jus saltem ad successionem prætendunt, aut quibus eo nomine controversia movetur. Quid, quod pacta mutua sint & reciproca, neq; nisi ab utraq; parte sustineri possint; Unde cum Cæsar auctoritate Regia nequæ ea acceptare, neq; in puncto commerciorum cæterisq; eorundem Capitibus ex hisce regionibus vicem reddere valeat, adeoq; ul-

la re-

la reciprocatione Polonis obligatus esse possit; expeditum est, Polonos eidem ad nullum & ne quidem conscribendi militis officium, etsi id sine harum regionum incommodo præstari posset, teneri. Cum igitur hinc satis evidenter appareat: in his quæ ex compactatorum jure debentur atq; dependent non uno nomine potiore esse Inclyti Bohemiarum Regni & incorporatarum Provinciarum causam, neq; solum Regem modo ad eorundem observantiam obstrictum esse, sed etsi Reges privati forte respectûs causâ ab officio aliquatenus recedere contingat, ipsos inclytos Regni Poloniae ordines pari, ac forte etiam majore obligationis nexu teneri, reliquum est, ut Reverendissimæ Illustrissimæ Magf. DD. Vestræ, pro officii sui, quo in Repub. funguntur munere, cum aliâs tum hoc inprimis tempore, quo compactatorum fides atq; constantia non parum vacillare videtur per quam diligenter expendant, quid pro Repub. quid pro laudatissimo semper Polono nomine, quid pro avirtâ virtutis & politicæ prudentiæ conservatione factô opus sit. In quo haud dubiè primitus animadvertent, quæ nobis tot irruptionum & hostilium infestationum impetu graviter adfectis, tot cædibus, rapinis, stupris, damnis deniq; atq; injuriis

riis maclatis, ingeritur excufationis ratio, tam fo-
phifticam effe, tam frivolam, ut ne fcintillam qui-
dem bonæ mentis & finceræ vicinitatis exhibeat.
Tantum enim abeft, ut aliqua saltim ex parte tam
enormiter læfis fatisfacere vel aliquod emendatio-
nis folatium præftare poffit, ut etiam omnibus no-
bis perfuafum exploratumq; fit, ne quidem aper-
tam ingenuamq; hoftilitatem magis ad noftri per-
niciem conferre poffe, quo magis omnia hætenus
fub iufti rectiq; fpecie & inconcuflæ vicinitatis, fi-
ne omni denunciatione, contra omnia gentium &
bellorum iura procefferunt. Non fumus nescii ne-
minem facile exiftere, qui honefti promiffi fidem
violare fas effe dicere aufit! Plures autem princi-
pum adfentatores ubiq; obvios effe, qui perjurii
latebras omnes pro commodorum & affectuum
ratione ftudiofè perquirere folcant; Sed nullâ aliâ
in re capitaliorem iniuftitiæ peftem exiftere, quàm
quæ fpecie recti involvitur, omnes & fapientes &
bonos femper iudicaffe. Animadvertent etiam, ut
ad rem propiùs accedamus, confcribendi Cæfari-
ani in Polonia militis prætenfionem deterfo colo-
re nullam aliam nifi apertæ hoftilitatis fpeciem
amplius repræfentaturam. Hic enim fcriptionis
illius fcopus, hic effectus, hæc veritas: cætera fu-
cus.

cus. Ostendent se porro commercia illa Regionum solatia, quanto molimine ex Repub: vestra & nostra exulatum abituriant; magno utriusq; incommodo cui pensando, & ad posteros excusando, utrum qui in culpâ, aut vel Cæsar ipse, pares fuerint, & nunquid conniventibus oculis ista contueri officii pub. ratio concedat, nō exigua ad DD. Vestras cogitandi cura redire videtur. Nec minus in eo, cum nihil in Repub. magni gerendum sit sine evidenti utilitate, cui bono futurum sit, si sive per concessam conscribendi militis pro Cæsare facultatem, siue alia ratione, hæ Provincie hostiliter invadantur, & inclytum Poloniz Regnum, quod præ aliis altâ pace atq; quiete in hac tumultuosâ seculi flammâ feliciter uti frui posset, vicinis motibus implicetur. Vulgatum est, nec minus exploratum: Culpa est immiscere se rei ad se non pertinenti: Verè autem ad Polonorum Rempub. nihil pertinet, quicquid rerum quove eventu cum his geratur; qui avitam nostram libertatem cum tristissimo servitutis iugo commutatum eunt: nisi hoc fortè nomine, quod si vel armis, vel subsidiiis Polonorum adjuti id apud nos effectum dedderint: periculum sit, ne itentidem in Poloniâ vel ipsi adflectent vel aliis adflectantibus cum occasio

tionem rei gerendæ præstent, tùm penetrandi se-
mitam commonitrent. Neq; enim ullus Princi-
pum existeret, qui cum possit, non absolutè malit,
quàm per leges Regni imperitare. Neq; desunt
fortè ex Polonorum institutis, quæ contra vete-
rem libertatem, pro absoluto dominatu, & hære-
ditariâ Regiæ successionis propagine, pari ap-
plausu, nec minore facilitate, quàm nunc contra
Bohemorum immunitates agitantur, arripi & ur-
geri possent. Restat igitur, ut quæ in servitutis
ordinem cogendos, arma isthinc nunc in nos ex-
pediuntur, eadem nobis sub jugum redactis, quasi
per jugulum reditura hinc justâ talionis lege ite-
rum expectentur; quando qui nobis servis esset im-
peraturus Dominus, vel ex ipsa naturali obligatio-
ne ad mutuas, contra vestras quoq; libertates, ope-
ras præstandum foret de vinctissimus; ut hic silen-
tio involvamus, quanto vobis expendend. opere
videatur; num etiam per statûs vestri rationem fa-
ctu commodum consultumq; esse possit, ut per
hæc, quæ apparare videmini, auxiliaria arma illi
familix diu quæsitam illam successionem, hære-
ditariam in his terris adquiratis: supra quam nul-
la in toto est orbe Christiano, quæ una majore co-
natu, pluribus vicibus, ac spe quidem nunquam ab-

jectâ inclyto Poloniæ Regno semper inhiaverit,
quæq; toties, ex singulari haud dubiè status vestri
consideratione, repulsam sit experta: aut num,
quid in eventum Hispanum in his terris Monar-
cham, vobis vicinum impunè constituturi sitis,
qui hætenus vicinorum neminem, sine religionis
respectu sola dominandi libidine (quod vobis lo-
quuntur Lusitani, Galli, Angli, Veneti, reliqui I-
tali, Rhæti, Sabaudi, Juliacenses, & qui non?) in-
tentatum reliquit. In quo vobis fortè vestigia non
contemnenda SIGISMUNDUS AUGUSTUS reliquissè
videtur, de quo jam dudum relatum est; adeò in-
visam ei, propter viciniam, Cæsaris potentiam fu-
isse: ut eam solam ob causam de munienda Craco-
viâ consilia inierit. Est quidem inclytum Poloniæ
Regnum finibus amplissimum, opibus, copiis &
tàm togatâ virtute, quàm militari fortitudine flo-
rentissimum; sed ei fortè nondum satis exploratum
est: utrum eo etiâ in felicitatis apice consistat, ut
tanquam extra humanæ sortis ancipitium posi-
tum, privati respectus causâ, & propter meras, ut
sic loquamur, personalitates, antiquum illud Bo-
hemix Regnum, cum utraq; Austriâ, nec non Re-
gno Hungariæ arctissimè confœderatum, nec mi-
nus cum potentissimis P P. & rebus Publi. brevi u-
niendum,

niendum, ceu ex alto despicere, & per omnia extremo quasi neglectui habere oporteat. Quod ipsum, si vel ita se haberet, ipsa tamen his terris tam sanctè data fides, quam hæcenus tam securè secutifumus, aliud maximè postulare videretur. Cum enim nulla res vehementiùs Respub. contineat quàm fides, haud difficile judicatu est, illà sublatà, quid de vestro statu, ejusq; prorogatione deinceps expectandum. Nondum triginta annorum numeratur decursus, quando apud Rempub. vestram, omnes ferè orbis Christiani Principes pro fædere & auxiliis ad Turcam debellandum in gratiam, Romani Cæsaris intercesserūt; qui tamen hoc potissimum nomine, quod salvis id de pace firmiore jam initis cum Turcarum Imperatore pactis fieri non posset, repulsam tulerunt. Et nos, quos cum Polonorum gente, partim ipsa Natura æquissima, omnium Mater, & originis, & lingvæ, multorum institutorum, & in his cum primis in parili antiquæ libertatis adferendæ sive ardore, sive desiderio, quâdam quasi cognatione conjunxit: partim Majorum providentia mutuum & ultra hominum memoriam sanctè custoditorum fæderum, vinculo atq; necessitudine colligavit, quiq; Nos, nostraq; fidei vestræ tam securè hæcenus credidi-

mus, qui vestram nullâ in re Rempub. læsimus; nihil hostile laceſſivimus, indigni hucusq; cenſemur, quos hæc omnia à nostrorum finium infestationibus tutos præſtent, digniores, qui tam longis infra ipsos Ethnicos & Paganos paraſangis collocemur. Quod ipsum, quàm sit futurum Genti Polonorum ad omnes etiam parum prudentes rerum æſtimatores honorificum judicabit univerſus Orbis; neq; neglecturus eſt, qui illi æterno Numine præſidet omnium in vita actionum æquiſſimus arbiter & Judex, qui profeſſò quæ nos gerimus auditq; videtq; neq; ullâ alia in re plura & magis terribilia, quàm in convulſa conventionû fide, ſuæ ultionis monumenta in orbe reliquit. Cui porro eventum, eâ, quâ par eſt animi confidentia, ſeriò commendamus.

Habetis, prudentiſſimi Senatores, votorum, & poſtulationis noſtræ ſumam. Non arma veſtra auxiliaria pro ſubſidiis petimus: non gazis veſtris inhiamus, non vindictam, eſſi atrociter & nefariè læſi tantopere ſpiramus: neq; poſtulamus, quæ factû difficilia, quæ ad concedendû

altiori

altiori indagine aut maturiore delibera-
tione egeant: sed fidem in vobis, sed con-
ventorum constantiam, sed officium vi-
cinatorum requirimus: & quod Nobis
non concedatis demum, sed jam ex pa-
cto, ex Jurisjurandi religione, debetis.
Vestras sunt partes, nobis, ut, qui vestram
Rempub. nullâ re offendim⁹ vicem red-
datis, fidem semel datam inconcussam
præstetis, à tantæ deniq; labis aspergine,
quæ si secus fiet, vestram Rempub. indu-
biè mansura est, posteritatem liberetis.
Vestrum igitur, de cætero, imploramus
officium, hoc duplici nomine. Primum,
ut Reverendissimæ Illustrissimæ ac Ma-
gnificæ DD. Vestras Regiam Poloniæ,
Sueciæq; Majestatem de negotio Bohe-
mico rectâ hac informatione instruant,
Inclytos nimirum ejus Regni Status, ni-
hil contra morem Majorum aliarumq;
in abdicandis pro adserendâ avitâ liber-

rate, Regibus & tristissimo servitutis iugo declinando, Nationum in orbe Christiano, instituto admisisse: Cæsarem non nisi sub certâ conditione Regem Bohemix extitisse, regnoq; nullâtenus eorundem rebellione Statuum, sed ideò excidisse, quod ipse nullâ re læsus, magis alienæ injuriæ vindicandæ regniq; armis occupandi & opprimendi, quàm implendæ conditionis, aut regni Civium benevolentia ex Statuum manibus, juxta leges Regni, capiendi rationem haberet; inque eo, pro suâ prudentia, simul expendant; nihil esse libertate in vitâ preciosius: vilius tristiusq; servitute: intollerabilius conscientia freno, multaq; in Repub. ferenda, quæ necessitas ingerat; etsi non, cuique ex æquo probentur: plura temporum difficultati condonanda, omnia, verò ad publicæ tranquillitatis conservationem, & sanctæ fidei observantiam,

referen-

referenda, Indeꝑ; cum ipsi Regiæ Maje-
stati tum sibiipfis certo persuadeant, fi-
dem, quæ nobis semel data est, sine sem-
piterna Poloni nominis infamia convelli
non posse: Ex pactis inclytum Poloniæ
regnum his regionibus ad omnia, quæ il-
la continent, obligatum manere; quàm-
diu & ipsum à pactis non recedit: Cæsa-
ri verò de nullo teneri, utpote extra re-
gni Bohemiæ habenas Polonorum Co-
ronæ nullo reciproco nexu obstricto:
Neque ad pactorum violationem requi-
ri, ut ea auctoritate pub. & communi
totius regni conventu convellantur: Sed
identidem patrari, sive ex permissu con-
scribēdi pro Cæsare militis, sive alio quo-
cunq; modo, nostris finibus regionibus-
que damnum inferatur, cum vi pacto-
rum etiam cavere, si fieri possit, & prohi-
bere damna & injurias oporteat: Deniq;
persuasum sit & hoc Vestræ Reipub. po-
tentiam,

tentiam, ad nos diu pressos, tandem penitus opprimendos, & extremæ servituti mancipandos, alieni commodi & honoris causâ convertere velle, nullâ ad immortalem Deum prece expiandû, nullâ ad orbis Christiani Nationes, nullâ ad posteros ratione excusandum fore. Denique à Reverendissimis Illustrissimis & Magnific. DD. Vestris contendimus, apud Regiam Majestatem operâ suâ atq; autoritate intercedant, ut ipsius Majestas, si quam de nobis nostrisq; actionibus sinistram suspicionem conceperit, æquanimiter deponere, militemq; Polonum, ut à nostrorum finium bonorumq; invasionibus deinceps sibi temperet, cohibere, & accommodata media inire dignetur, quibus de mense Februario & superiori Aprili, nobis illatis damnis atque injuriis ex bono & æquo satisfiat, & prudenter caveat, ne forte si secus fiat, No-


bilicas

opilitas contermina suis facultatibus exu-
a, ad desperata consilia se convertat, ma-
gnam, ut fit, multarum calamitatum ler-
nam secum tractura. De nobis autem a-
nimis firmiter infixum perpetuo tene-
ant, nos in religiosâ compactatorum ob-
servatione & sinceræ vicinitatis, tum er-
ga Regiam Majestatem, tum etiam am-
plissimum Regni Senatum obsequiis, e-
am, quam ex pacto debemus, constanti-
am, nec minus actionum nostrarum ra-
tionem omnibus bonis & rectè judican-
tibus semper proluturos.

D. Vratisl. in conventu T. P.

& Statuum Sil.

29. Maji. A. 1620.



Ad acta respicienda requiruntur iusta
distantia. Quod animi remota ni
sunt discerni recte non possunt.
bula quaeq; supra oculum posita
non videtur. Ostendunt nobis
in lapinea quod nimis remota est
nam hic prope ubi eam fides
dem plantata est remota in scythia
Mischma aliusq; barbaris locis.

Varsaniam 1626. 26 Febr.

Andro dixisse R^m Legatum hdo vobis: Habebant
scripta pro suo favore sententiam: Si hdo ita sunt
requiro iudicium. Nam animum ducit sedem summam
ad favores inclinari. Christus est Veritas, Via, Lux
Vicarius igitur Christi est Vicarius Veritatis, Veri
atq; Lucis. Respectu ad personas quascunq; aut fa
vorem habet fieri digne. Sciunt autem hbi mu
dum iudicaturum de iudicio aut Rotae aut summi
Pontificis. Si quid diversum fiat, lapides aham clama
bunt. Vincere nobis ne sanctus quidem Paulus per
suasit, qui sanus ceteros omnes lapsus tam probe
quam septuagenarius aliquis lapsus, aut et plus. Re
velabatur aliquando tulerim nos Philosophum et
id considerabimus: Eius, Unum, Verum, Bonum converti.
Magno intervallo distant Unum et Vnum. Unum est
Unum. Vnum multa continet. Luxus dñi orem
appetit, Unonem appetit. Vult enim carnem ang
ra suam hoc est lupi carnem converti. Multo hdo
Unū exemplar per occasionem tradit R^m Legato.
Vale. Curonus 26 Febr. 1626.



SIN e CERE monais
Si quid habes lesu vita ne gram tibi partem
Qui socium fingit latro raper rapit.

Gdy na Gmh
ta edlit Bull
pa p p p p p
wzgn p p p p p
Mie Vied X p p p p p
legi in dca
notu
fauam / an / la
unq i

Biblioteka Jagiellńska



stdr00000560

Biblioteka Jagiellońska.

